

CENTVRIA
PROPOSITIONVM
DE
OPERIS NOVI NVN-
TIATIONE.

QUAM.

Trino & Vno Præsede,
*Ex decreto, & autoritate Amplif-
simi Senatus Juridici*

*In celeberrima BASILEENSIVM
Academiâ*

Pro consequendis in VTROQ. IURE
DOCTORATVS Insignibus &
Privilegiis

Publicè disputandam exhibet

PHILIPPVS REYSERVS
Marpurgensis Hessus.

14. Februar. In aula ICtorum loco, horisq; solitis.

BASILEÆ,
Typis IANI EXCERTIER.
M. DC. VI.



NOBILI ET MAGNIFICO

JURISCONSULTO

DN. GEORGIO OBRECHTO

Argentinae Reipub. Advocato eximio:

Academiae Antecessori primario: Col-
legii Thomani Praeposito re-
verendo, &c.

Cognato suo omni honoris & obser-
vantiae studio colendissimo

S. P. D.

TANTA est tuorum in me beneficiorum copia & magnitudo, Vir Amplissime, ut illa pro dignitate vix aliquot paginis, nedum per paucis hisce lineis, perscribi & concelebrari queant. Illud verum est, te non caeteris solum rebus meis multum commodasse & subsidio fuisse: sed vel maxime etiam, cum aliis temporibus, tam integro illo triennio quoque, quo tecum in convivio me habuisti, studia mea consiliis tuis convenientissimis ac saluberrimis instituisse, adjuvisse, promovisse. Quare haec Inauguralis mea disputatio jure meritoque, nomini tuo praecellenti inscribenda & dicanda fuit, quod, dum praedictis tuis in me meritis respondere nullam ratione valeam, tamen aliquid saltem extaret, ex quo animum meum gratum, observantem, tibi que penitus devotum aestimare & intelligere possis: quod praeterea etiam qualitercunque animadvertas, quantam observatione ego studia tua planissima utilissimaque, haecenus curarim, & pro viribus secutus fuerim. Offero igitur Tibi, Summe Jurisconsulte, Cognate in primis colende, praesentes meas de Operis Novi Nunciatione centum Propositiones, eam quam par est observantiam rogans, ut illas pro innata tua humanitate bevoles suscipias, lectioneque dignas judices: me vero amore singulari, uti in hunc usque diem semper factum est, ita & in infinitum complecti constanter pergas. Vale & Nestoris usque ad senectam felicissime vive. Scripsi Basilae 7. Februarii Anno 1606.

Tuae Excellentiae addictiss.

PHILIPPVS REYSERVS.



THESIS I.

SCIRE quid facias, & nescire quo ordine facias, imperfectæ cognitionis est.
ait Bald. in proem. Digest.

II.

Resoluturus itaq; materiam DE OPERIS NOVI NUNCIATIONE celebrem, utilem & obscuram (*ita enim Duarenus loquitur*) id methodo faciam, ut spero, satis tolerandâ. Ad rem ergò.

III.

Operis autem novi nunciatio, omissis aliorum DEFINITIONIBUS, hic erit Legitima prohibitio a) operis novi sistendi causâ b) facta. a) *l. 1. §. 17. l. 20. pr. ff. de op. nov. nunc.* b) *l. 5. §. 4. l. 8. §. 4. d. l. 20. eod.* Nunciationis vocabulum cum vulgo ita accipio, ut eo sequens veniat trimembris distributio. Et in tota hac disputatione illud verbum ita generale erit, nisi aliud appareat.

IV.

DIVIDITVR secundùm Dd. in verbalem: in eam quæ fit jactu lapilli: & eam quæ fit per Prætozem. a) Sed cum verbalis tantùm propriè sit nunciatio, ita ut ejus intuitu posteriores duæ non in jure nunciationes, sed prohibitiones dicantur, b) pingui Minervâ jam dicto modo nunciationem divisam, rectiùs distinctâ dicemus.

a) *gl. Bartol. Zas. & Dd.* b) *l. 5. §. meminisse. ff. h. t. Duaren. Coras. Robert. contra Zas. las.*

V.

Et verbalis quidem iterum fieri potest, vel inconsulto Prætoze, vel præcedente Prætoris jussu. Hæc quæ fit Prætoris jussu, alia est à prohibitione, quæ fit per Prætozem: quia illa nunciatio est, & quam is cuius interest